

Ke сӕӕхн уульнц бӕргдв

Джил ирвӕс Западн района колхозмудин болн совхозмудин централън усадьб болн селӕд таньгдшгогъар хуврӕд йовцхана. Энунд бӕӕх хуучн шавр гермудин орчд черепицӕр, шиферӕр болн халагъар оралгдсн айта гидг стандартн гермуд бӕргдцхӕв. Онъгрсн нег джилин дунд минъгъ гар сӕӕхн гермуд бӕргддж, 10 гар шин уульнц эн районд ӕсв.

Тедн дунд „Южный“ болн 112-ч номертӕ совхозмудин „Пролетарская победа“, „Ленинец“ болн Сталинӕ нертӕ колхозмудин централън усадьб тургӕр ӕсдж, шин гермудӕр кеерулгдв. Телу мет, района центр бас онъгӕн сольдж сӕӕхрв. Энунд бӕӕсн аджго газмудт кесг гермуд бӕргдӕд, Набережная, Горькийин болн Маяковскийн нертӕ уульнц

немгдв. 1957 джилд у сарул павильон секгдв.

Эн джил тосхлтин йир ик кӕдлмш энунд делгрджӕнӕ. Эзнӕ гермудӕс талдан, района центр деер хойр давхр дундин школ, райпотребсоюзин ик гостиниц, парк дунд кинотеатр бӕргдджӕнӕ. Башанта поселкд бӕӕх ӕмтс цугтан электричествӕр, радиогъар теткгдсн деерӕн, водопроводта. Энунд тротуар асфальтировать, хотхр газмудтнъ тагтс кегдджӕнӕ.

Танъгъчдан нег сӕӕхн поселк кедж сӕӕхрулхин тӕлӕд, энунд бӕӕх ӕмтс чидлӕн нӕл уга кӕдлджӕцхӕнӕ.

А. АФАНАСЬЕВ.